

1 Tesalonike

Pauloŋe Tesalonike yeŋgât ekap aŋgoân kulemgum katyiŋgiop.

O bukulipnenŋe,

¹ Yen Tesalonike kapi ambolipŋaŋe Kutdânenŋe Yesu Kiristohâlebiwiyeŋaŋe kepeim manmai. Yakât otmâ Awoŋnenŋe Anitâ yet Kutdânenŋe Kiristo orop biwiyeŋaŋe hikuakmâ konohâk otmu manmai. Nenâmâ Paulo, Sila, otmu Timoteo. Nenŋe yeŋgât nâŋgâm ekap yu kulemgum katyiŋgiain.

Awoŋnenŋe Anitâ otmu Kutdânenŋe Yesu Kiristone engatyetŋeâk nâŋgâyiŋgim tihityeŋe otdomawot. Yawu otmutâ biwi nâŋgân nâŋgânyeŋaŋe hikuakmâ konohâk otmâ sânduk sâm gaekgât Anitâ ulitgumain.

Tesalonike yeŋgât manmanyenŋe yakât sâop.

²⁻⁵ Emelâk nenŋe yeŋgâlen puwâk taka Kiristohât den pat âlepŋe ekyongowin. Ekyongomunŋe Wâtgât mâmâŋahât Heakŋe biwiyeŋan kionmâ mem hewewenŋe tuhuyekmu den ya nâŋgâŋetâ bulâŋe olop. Yâhâ den ekyongowin yan Wâtgât mâmâŋahât Heakŋe biwiyeŋan ki kionmâ mem hewewenŋe tuhuyehop mâne den ya nâŋgâŋetâ tâŋât otbâp. Yawu gârâmâ den ya ekyongomunŋe nâŋgâŋetâ bulâŋe otmu Kiristohâlen biwiyeŋaŋe kepeim tem lâuwangiwi. Yâkâlen biwiyeŋaŋe kepeim bukulipyenŋe orop buku oraŋgim

manbi. Yawu manmâ lohimbi belângen man-sai ya den pat âlepŋe ekyongonjetâ nângânomaihât Kiristo hoŋ bawangim hâhiwin nângâm gai. Otmu Kiristoŋe âwurem ge meyekmâ manman kârikŋan katyekbuap yakât nângâm biwiyene mem man-sai. Otmu umatŋe âlâlâ kakyeŋan yâhâmawân ki lohotŋe otmai. Yawu manŋetâ Anitâŋe meyekmâ nine nanne baratne sâm manman kârikŋahât pat kuyiŋgimu mansai yakât topŋe tetemu ekmâ engat yâhâp ki otmain. Yenġât yawu nângâm Anitâ mepaemain.

Emelâk den kâsikum yingimunŋe nângâŋetâ bulâŋe otmu manman âlepŋahât bulâŋe teteyiŋgiop. Sâp yan âlâhât wâtŋan kinmâ nep mem manbin yakât topŋe tetemu ekbi.

⁶ Den pat ya ekyongomunŋe nângâm Kiristohâlen biwiyene katbi. Sâp yapâek lohimbi belângen manmaine nângâm bâleyiŋgim mem âlâlâ tuhuyekmâ gawi. Yawu otyiŋgiŋetâ Wâtġât mâmâŋahât Heakŋe biwiyene mem hewewenŋe tuhumu kârihem kinmâ biwiyene herone olop. Yâhâ kândikum emelâk Yura nengât kunlipnenŋe Kiristohât hâkâŋ otmâ yawuâk mem âlâlâ tuhuwi. Mem âlâlâ tuhunetâ yan yâkŋe manman kârikŋahât mâtâp meningiwuap yakât nângâm biwi hero nângâop. Nenŋe yâkâlen biwinenŋe kepeim manmunŋe yakât otmâ mem âlâlâ tuhunenekmai. Yawu otningimai gârâmâ nenŋe manman kârikŋan mannongât nângâm biwi hero nângâmain.

⁷ Emelâk yeŋe kârihem kinmâ biwi hero nângâwi. Yakât otmâ Makeronia otmu Akaia ambolipŋe

Kiristohâlen biwiyenje kepeimainje den pat yakât alahumai. Yakât otmâ hâmbâi lohimbi belângen manmainje mem âlâlâ tuhuyeknomaiân yâku yawuâk kârihem kinmâ biwi heronje nângânomai.

8-10 Yengât den pat alahumai yakât topneâmâ yuwu. Anjoân nenje yengâlen puwâk taka Kiristohât den pat âlepne ekyongomunje nângânetâ bulâne otmu yakât heronje nângâm mem buku tuhunenekbi. Yawu otmâ Porom Lâpio perâkne bet pilâm Anitâ Manman bulânahât Ambonje yâkâlen biwiyenja kepeim hon bawanjim gai. Emelâk Anitâne ikne nanje, Yesu, mumunambâ mem yahalop. Mem yahatmu himbimân yâhâmu orowâk tawot. Yakât otmâ yen orop yâkâlen biwinenja kepeim manmain. Yâhâ lohimbi belângen manmainje orotmeme bâleje tâtâem otnomai yâhâmâ sâp patoen Anitâne yakât matne umatne yingimu menomai. Yawu gârâmâ sâp yan Yesune himbim pilâm âwurem ge sârereyekmu Anitâne mem manman kârikjan katyekmu manmâ yâhâmbisâi. Yakât mambotbanjimizin. Lohimbi je yengât den pat ya sâm haok tuhunetâ arimu Makeronia otmu Akaia kapi ambolipne dondâhâlâkne nanjai. Yakât otmâ Kutdâhât den pat âlepne ya nanjai. Yakât otmâ nenje yengât den pat yakât yâhâpne ki ekyongonom.

2

Paulone yâk yengâlen puwâk ari olop miop yakât sâop.

1-2 Nenŋe aŋgoân Pilipi kapiân ari Kiristohât den pat âlepŋe kapi ambolipŋe ekyongomunŋe nombotŋe nâŋgâŋetâ nahat otmu hâim hilitnenekmâ mem bâlenenekbi yakât topŋe naŋgai. Otmu kapi ya pilâm yeŋgâlen takamunŋe lohimbi belâŋen manmaine mâtâp maŋguningim mem âlâlâ tuhunenekbi. Yawu otŋetâ Anitâŋe mem hewewen tuhunenekmu yâkât wâtŋan kinmunŋe hâknenŋe ki biuk sâop. Yawu otmâ Kiristohât den pat âlepŋe ya ekyongomunŋe nâŋgâŋetâ bulâŋe olop.

3 Otmu den pat âlepŋe ekyongom biwiyen kionbin yan ki tâpikgum ekyongowin. Me topnenŋe ki kurihiakmâ den perâkŋe kâityongowin.

4 Anitâŋe lok biwinenŋe ekmapŋe Kiristohât den pat âlepŋe lohimbi ekyongonehât âi sâm ningiop. Yâkŋe nenekmu ârândâŋ olâkgât yâkât sât lâum âi ya biwinenŋe tiŋâk kepeim lohimbi ekyongom gamain. Yawu otmain yamâ lohimbiŋe nengât nâŋgâningiŋetâ yahalâkgât ki nâŋgâmain.

5 Me dennenŋe nâŋgâm tep hero nâŋgâningiŋetgât ki den âilonŋo lonŋo otmâ biwiyen gewin. Me tewetsenŋe ningiŋetgâlâk nâŋgâm den pat bulâŋe ya ki kâimboŋyekbin. Yawu manminiwi yakât topŋe Anitâ iŋiâk naŋgap.

6 Bulâŋanâk yen me lohimbi nombotŋe âlâŋe mepaenenekŋetgât ki nâŋgâwin.

7 Kiristo iŋjak âi ningim hâŋgânnongomu iŋe sâtgât otmâ den kâsikum yingim gain. Yakât otmâ yeŋe ewe katnenekŋet sâm ekyongombâingât dop olop yamâ nenŋe yawu ki ekyongowin. Yâhâ ŋaŋa namân gâtŋe yamâ mâmâŋe sisikgum nam

wan̄map yakât dop̄neâk nen̄ne nân̄gâȳiŋim lo-hot̄ŋan otyiŋgiwin.

⁸⁻⁹ Yawu otyiŋim biwinen̄ne yengâlen kinmu den pat âlep̄ne kâsikum yin̄giwin. Otmu yene tânnongom hâhiwin nân̄gâmai sâm nen̄ne Kiristohât den pat âlep̄ne kâsikum yin̄giwin yan nen̄nahâk âi tuhum yapâ tewetsen̄ne mem sen̄ne âlâlâ puluhuakmâ manbin. Nen̄ne yawu otmâ hâhiwin nân̄gâm manbin yakât top̄ne nan̄gai.

¹⁰ Emelâk nen̄ne yen orop manmâ Kiristohât den kâsikum yin̄gimun̄ne nân̄gâwi yan nengât manman ya ekbi. Nen̄ne Anitâhât tem lâuwangim uwawap̄ne bia manmâ ki otmâ tâpikguwin. Yakât otmâ Anitâne nenekmu ârândân̄ olop yawu nan̄gain.

¹¹ Otmu âwâlipyen̄ne nimnaomlipyen̄ne wawaeyekmâ tihityen̄ne otmai yakât dop̄neâk nen̄ne yen kerek mem buku tuhuyekmâ yuwu otyiŋgiwin.

¹² Lohimbi nombot̄ne biwiyen̄ne orotok sâop ya mem hewewen̄ tuhuyekbin. Otmu lohimbi nombot̄ne umat̄ne âlâlâ kakyen̄an yâhâop yan mem sânduk tuhuyekbin. Yâhâ Anitâneâmâ meyekmâ ik̄ne kapi himbimân tap yan katyekbuap. Yan katyekmu manman kârik̄ŋan manmâ heron̄e otban̄gim mepaenomaihât pat kuyiŋim tihityen̄e otmap. Yakât otmâ târârâhâk man̄netâ manmanyen̄e ekmu ârândân̄ olâkgât ekyongowin.

¹³ An̄goân yengâlen taka Anitâhât den bulân̄e kâsikum yin̄giwin ya nân̄gân̄etâ yuwu olop. Den eknongon̄etâ nan̄gain yuâmâ lokgât nân̄gân̄ nân̄gân̄ambâ ki tetemu eknongoai. Yuâmâ Anitâhât den bulân̄e oap. Yawu sâm mem

biwiyenjan katbi. Biwiyenjan katmâ nângânetâ biwiyene kelihakmu yâkâlen biwiyenane tinâk kepeim manmâ gai. Yakât nângâm haonmâ ârândân Anitâ mepaemain.

¹⁴ Bukulipne, yene Yesu Kiristohâlen biwiyenane kepeim manjetâ bukulipyene nombotnane yekmâ nângâm bâleyingim topne âlâlâ mângâeyekmâ gai. Yakât dopneak emelâk Yura lohimbi nombotnane Kiristohâlen biwiyene katbi yan bukulipyenane nângâm bâleyingim topne âlâlâ mângâeyekbi. Emelâk Anitane poropetelipne den ekyongomu yâkne Yura nengât tâmbâlipnennene ekyongowi. Tâmbâlipnennene den ya nângânetâ gemu bet pilâm poropete dondâhâlâk yongoneta muwi.

¹⁵⁻¹⁶ Otmu Kutdânenne Yesune Anitâhât den ya Yura lohimbi ekyongop. Ekyongomu papatolipnenane nângâm bâlewanjim yawuâk mem âlâlâ tuhum kugetâ muop. Otmu nen aposololipnane gurâ pâku lohimbi yengâlen ari Kiristohât den pat âlepne ekyongomain. Ekyongomunne nângâm Kiristohâlen biwiyene katnetâ Anitane manman kârikjahât pat kuyingimu mansai. Yawu otmain yakât Yura papatolipnennane mâtâp manguningim watnenekmâ mem âlâlâ tuhunenekmai. Otmu pâku lohimbi gurâ mem ge katyekmâ mâtâp manguyingimai. Yakât otmâ Anitane nângâmu dondâ bâlemu tâmbâlipnennane mem bâleyekmâ gawi ya baine menjetâ pesuk yap. Yakât otmâ Anitane matne umatne yingimu umatne âlâlâ kakyenjan yâhâwuap.

Pauloŋe âwurem ari yekbom sâŋ biwiŋaŋe nâŋgâop.

¹⁷ Bukulipne, Yura ambolipne miti emetŋahât galem manmai yaŋe mem âlâlâ tuhunenekmâ watnenekŋetâ pilâyekmâ takawin. Nimnaom âwâ mâmâlipyenjaŋe mum pilâyekŋetâ mandu manmai. Ya lohimbiŋe yekmâ tepyeŋe nâŋgâmai. Yakât dopŋeâk nenŋe yeŋgât kapi pilâm takawin yapâek yeŋe mandu towat mansai nâŋgâm tepnenŋe nâŋgâyinŋim manmâ gain.

¹⁸ Otmu pilâyekmâ takawin ya ki kâlep otmuâk âwurem taka yen yekne sâŋ otbin. Yawu otmunŋe Satanŋe mâtâp maŋguningim yâhâmu hâum pâpgum pilâm Aten kapiân tatbin. Nâŋe yen yekbe sâŋ yawu otban.

¹⁹⁻²⁰ Nenŋe heronŋe nâŋgâyinŋim yeŋgât den pat ya lohimbi ekyongom mepaeyekmâ mansain yakât yuwu sâŋune nâŋgânet. Nenŋe yeŋgâlen taka Kiristohât den pat âlepŋe puwâk ekyongomunŋe nâŋgâm yâkâlen biwiyenjaŋe kepeiwi. Yakât otmâ Kutdânenŋe Yesuŋe âwurem ge yen orop menenekmu yâkât senŋan kinnom. Sâp yan yeŋgât heronŋe nâŋgâmunŋe Kiristonŋe nâŋgâmu âlepŋe otbuap.

3

¹⁻² Aiop, Yura ambolipne miti emetŋahât galem manmaiŋe watnenekŋetâ pilâyekmâ Aten kapiân taka tatbin. Otmu yen gurâ girawu mem âlâlâ tuhuyekŋetâ mansai sâŋ yeŋgât nâŋgâm ketet otmâ mansain. Bukune Timoteo, orowâk manmâ Anitâ hoŋ bawŋim Kiristohât den kâsikum lohimbi yinŋimain. Yakât otmâ yâkŋe yeŋgâlen

taka mem hewewen tuhuyehâkgât hângângumune takamu nâne niniâk tatban.

³⁻⁴ Emelâk nenne yen ki pilâyekmâ takawin yan yeje Kiristohâlen biwiyenaje kepeim manjetâ lohimbi belângen manmaine mem âlâlâ tuhuyeknomai yakât topne ekyongomunne nângâwi. Den ekyongowin yakât bulâne yamâ mem âlâlâ tuhuyekbi yan tetemu ekbi.

⁵ Mem âlâlâ tuhuyekbi yan yeje lohotne otmâ Kiristo betgunetgât Kâitgu Kâitgu Amboje Satanne biwiyenjan kionop. Yawu olop. Yakât Kiristohât den pat âlepne imbiâk kâsikum yingiwîn mon sâm gorânihimu Timoteo hângângumune yengâlen takaop.

Timoteoje Tesalonike ambolipne yengât den pat Paulo ekuop.

⁶⁻⁸ Otmu yengâlebâ purik sâm âwurem nâhâlen takaop. Taka yeje Kiristohâlen biwiyenaje tinâk kepeim buku orangim manmâ nâhât tepyeje nângânihimai yakât den pat eknohop. Eknongomu nângâmune tepne welâmnan giop. Yakât otmâ yengâlen takamune enakmâ tep hero nannganinomgât nângâm gan. Yawu gârâmâ sâp yiwerenje yuâmâ lohimbi belângen manmaine mem âlâlâ tuhunekjetâ hâhiwin kaknan mansan.

⁹ Hâhiwin kaknan mansan yamâ yeje Kutdânenne Kiristohâlen biwiyenaje tinâk kepeim manmâ gai yakât den pat nângâmune biwine hewewen otmu Anitâ herone nângâwangim mepaeman.

¹⁰ Emelâk Kiristohât den kâsikum yingimunne nângânetâ keterakyingiop. Yakât otmâ yengâlen

âwurem taka yâkât den topɲambâek kâsikum yinɲimune nâɲgâɲetâ keterakyinɲiâk sâm Anitâ ulitgum biwinanɲe mem mansan.

¹¹ Awoɲnenɲe Anitâ otmu Kutdânenɲe Yesuɲe nâɲgânihimutâ âwurem taka yekbomgât naɲgan.

¹² Anitâɲe yen mem hewewenɲe tuhuyekmu buku oraɲgim mansai yawuâk torokatmâ mannomai. Yawu manmâ biwiyenɲanɲe kepeiakmâ konohâk otmu lohimbi belângen manmai ya gurâ nâɲgâyinɲinomai. Yawu gârâmâ nenɲe yengât nâɲgâyinɲimain yakât dopɲeâk nâɲgâyinɲinomaihat naɲgan.

¹³ Yawu nâɲgâyinɲinomai yanâmâ Anitâhât wâtɲan kinmâ Kiristohâlen biwiyenɲanɲe tinâk kepeim mannomai. Yawu manɲetâ Kutdânenɲe Yesuɲe aɲelolipɲe meyekmâ âwurem gewuap yan Awoɲnenɲe Anitâ yâkât senɲan kinɲetâ yekmu ârândâɲ otmu nine nanne baratne koko salek sâwuap.

4

Manman girawu manmunɲe Anitâɲe nenekmu ârândâɲ otbuap.

¹⁻² Aiop, yuwu sâmune nâɲgâɲet. Manman girawu manɲetâ Anitâɲe yekmu ârândâɲ otbuap yakât den kâsikum yinɲimunɲe nâɲgâm lâum manmâ gai. Nen Kiristohât aposololipɲe orop biwinenɲanɲe kepeiakmâ konohâk otmu mansain. Yakât otmâ yâkât sâtɲgât otmâ den pat âlepɲe ya ekyongomunɲe nâɲgâɲetâ keterakmu lâum manmâ ganɲetâ yekmunɲe tipɲe âlepɲe oap. Ya

torokatmâ tiñâk lâum manñetâ Anitâñe yekmu âlepñe otbuap.

³ Yeñe târârâhâk mannomaihât Anitâñe nâñgâmap. Yawu manmâ kâwâ konda ki otnomai.

⁴⁻⁵ Lok belângen manmaine imbi yekmâ tepyeñe uk sâmu otmâ tâpikguñetâ umatñe tetemu yakât kakñan miakmâ manmai. Yâkñe otmai yawu ki otnomai. Yeñeâmâ orotmeme tâñ tâñâk watmâ imbi meyekñetâ lohimbiñe nâñgâyinñetâ yahatbuap.

⁶ Emelâk girem den âlâ yuwu ekyongomunñe nâñgâwi. Lok âlâ me âlâñe bukulipyene yengât imbi yekmâ otnomai yamâ Kutdâñe yakât matñe umatñe yinñimu menomai.

⁷ Nenñe Kiristohât mâtâp watmâ kâwâ konda ki otmâ mannehât Anitâñe menenekmâ ikñe Wâtgât mâmâñahât Heak hâñgângumu ge biwinenñe mem hewewenñe tuhumap.

⁸ Yakât otmâ lok âlâ me âlâñe den ekyongoan yu betgunomai yamâ nâ betnohoain sâm Anitâ betgunomai.

⁹⁻¹⁰ Anitâhât Wâtgât mâmâñahât Heakñe biwiyene mem hewewenñe tuhumap. Yawu otmu Makeronia hânân Kiristohât komot mansai ya orop biwiyenane kepeiakmâ konohâk otmu buku oranñim mansai. Yawu otmâ mansai ya yawuâk torokatmâ otmâ mannomaihât nanñan. Emelâk yakât topñe ekyongomunñe nâñgâwi. Yawu gârâmâ nâñe den kâlep ki kulemgum katyinñiwom.

¹¹ Emelâk den ekyongowin ya âlâkuâk ekyongomune nâñgâñet. Yeñe lohotñan manmâ tat tat memeyene galemgum henñengum mannomai. Yawu manmâ ki konam im bukulipyene nem

watyeknomai. Otmu bukulipyenje yengât tat tat memeyenje yakât nângâm ki engatyenjan genomai.

¹² Yâhâ âi menjetâ yanâmâ manmanyenje tetewuap. Yawu otmâ mannomai yan lohimbi belângen manmainje yekmâ ewe katyeknomai.

Kutdânenne Yesu âwurem gewuap yakât sâop.

¹³ Bukulipne, lohimbi belângen manmai yengât sese buwulipyenje me âwâ mâmâlipyenje mumai yan “munjetâ pesuk yap” sâm isem we bâle nângâm manmai. Yenje yawu otmai hât sese buwulipyenje me âwâ mâmâlipyenjanje Kiristohâlen biwiyenjanje kepeim manmâ gam muwi ya yengât sâmune nângânet.

¹⁴ Yesunje muop yamâ Anitâne mumunambâ mem yahalop. Yakât dopneâk Yesunje himbimâmbâ âwurem gewuawân lohimbiye Kiristohâlen biwiyenjanje kepeim manmâ gam muwi ya Anitâne mumunambâ mem yahatyekbuap. Yakât nângâmunne bulâne otmap.

¹⁵ Otmu Kutdânenne Yesunje aposololipne den kâsikum yingiminiop yakât sâmune nângânet. Kiristone âwurem ge menenekmu himbimân yâhânom yan ikne lohimbi munjetâ hanyongowi ya meyekmu orowâk yâhânom.

¹⁶ Anjoân Kutdânenjanje ikne anelolipne yengât kunyenje ekumu lâmun kunbuap. Lâmun kunmu Kutdâne himbimâmbâ gemu ikne lohimbi muwi ya mumunambâ yahatnomai.

¹⁷ Mumunambâ yahatnetâ orowâk elem kaknambâ yâhâmunne Kiristone ge hanân peneningiwuap. Hanân peneningimu yâk orop tatmâ yâhâmbisâin.

18 Otmu biwinenŋe gemap sâŋm yakât nâŋgâm alahum biwi sânduhân karakmâ mannom.

5

Kutdânenŋe âwurem gewuap yakât biwi golâek otmâ mannom.

¹ Kutdânenŋe pârâk sânsânâk âwurem ge menenekbuap yan kulem girawu tetemu ekmâ nâŋgânôm ya emelâk ekyongomunŋe nâŋgâwi. Yakât otmâ den kâlep ki kulemgum katyiŋgiwom.

² Kutdânenŋe gewuap yakât den âlâen hâum sâmune nâŋgâŋetâ keterakyiŋgiâk. Kapi ambolipŋe yengât kasalipyeŋaŋe sâp girawuân taka itit kiom tuhuyiŋginomai ya ki ekyongomai.

³ Kapi ambolipŋaŋe “Nen gulip mansain,” sâŋm otŋetâ yan kasalipyeŋaŋe taka pârâk sânsânâk yongom kiom tuhuyiŋgimai.

Aiop, umatŋe ya kaknenŋan yâhâmap sâŋm mâtâp ya maŋgunomaihât dop ki tap. Yakât topŋe nâŋgâŋetâ keterahâkgât imbi tepdâ yengâlen hâum sâmune nâŋgâŋet. Imbi tepdâŋe naom mene sâŋm otmai yan naomŋe hâliliakmâ tatmu hâhiwin nâŋgâm belângen memai. Yakât dopŋeâk umatŋe ya kakyenŋan yâhâmu hâhiwin nâŋgânomai.

⁴⁻⁵ Bukulipne, Kutdâŋe âwurem gewuap yakât emelâk ekyongomunŋe nâŋgâŋetâ haŋ sâyiŋgiop. Yawu gârâmâ yakât topŋahât ki pâpŋum mansai.

⁶⁻⁷ Lok nombotŋaŋe biwi pâlâmŋe manmâ to kârikŋe nem hâlim milim otmai. Yawu otmai yakât umatŋe topŋe topŋe kakyenŋan yâhâwuap ya ki nâŋgâmai. Yâhâ yeŋeâmâ mambotbâŋim biwi golâek mannomai yanâmâ pârâk sânsânâk takamu ki pârâk pilânomai.

⁸ Otmu biwiyenje galemahom yuwu mannomai. Lohimbi belângen manmainje mem bâleyekjetâ biwiyenje gemapgât Kiristohâlen biwiyenaje kepeinomai. Me yenje sâmbâleangim hionakmai hât biwiyenaje kepeiakmâ konohâk otmu buku orangim mannomai. Yawu otmâ Kutdâne âwurem ge meyekmâ manman kârikjan katyekbuap yakât nângâm biwiyenaje mem mannomai.

⁹ Anitâne lohimbi kerek nengât manmannenjahât matje âlâku ikniâk ikniâk kâpekningiwuap. Sâp yanâmâ lohimbi belângen manmâ orotmeme bâlene otmai ya matje umatje yingimu mem hâhiwin kakjan manmâ yâhâmbisâi. Yâhâ yenâmâ nen orop Kutdânenje Yesu Kiristone sâre renenemâ manman kârikjan katnenekbuap yakât Anitâne sâmbâ kalop.

¹⁰ Kiristone kawenenjan kinmu kujetâ muop. Yakât otmâ yâkâlen torokatmâ manman kârikjan mannom. Yakât otmâ manmunje gewuap me mumunje gewuap sâp yan menenekmu yâk orop tatmâ yâhâmbisâin.

¹¹ Yakât nângâm biwinenje gemap sâmbâ sâp yiwereje tânahom biwi sânduhân karakmâ mansai yawuâk otmâ yâhânomai.

Paulone girem den ekyongop.

¹² Nenne Kutdâhât sâtgât otmâ lok meyekmâ galem yongom den kâsikum yinginet sâmbâ katyekbin ya ewe katyeknomai.

¹³ Galem yanje âi ya biwiyenaje tinâk mem mansai yakât otmâ nângâyinginetâ yahatmu buku otyinginetâ yâk orop buku konok otmâ mannomai.

14 Lohimbi nombotŋaŋe konam imai ya sâyiŋŋetâ âi tuhunomai. Otmu lohimbi nombotŋe biwiyenŋe orotok sâmu mansai ya mem hewewenŋ tuhuyekŋetâ biwiyenŋe ârândânŋ otbuap. Otmu lohimbi nombotŋe Anitâhât den ki nâŋgâm heŋgeŋgumainŋe orotmeme inŋe ya otmunŋe mem bâlenenekmap sâm gorâyŋŋimap. Lohimbi yawuya Anitâhât den topŋambâek kâsikum yiŋŋetâ nâŋgâm mannomai. Otmu lohimbi nombotŋaŋe mem bâleyeknomai ya lohotŋan otyiŋŋinomai.

15 Lohotŋan otyiŋŋim matŋe ki kâpekyiŋŋinomai. Yawu otmâ buku oraŋŋim tânahom mannomai. Otmu lohimbi belâŋgen manmainŋe mem bâleyeknomai ya yawuâk mem buku tuhuyeknomai.

16-18 Otmu wuân me wuân teteyiŋŋiwuap yan haonmâ ârândânŋ Anitâhât heronŋe nâŋgâm mepaembisâi. Orotmeme yu otmâ Kiristo orop biwiyenŋaŋe kepeiakmâ konohâk otmu mannomaihât Anitânŋe nâŋgâmap.

19-20 Otmu Wâtŋât mâmânŋahât Heakŋe lok âlâ me âlâ lauyenŋe mem hewewenŋ tuhuyekmu den ekyongonŋetâ nâŋgânomai. Yakât ki nâŋgânŋetâ gemu kuyiŋŋinomai.

21-22 Lohimbi âlâ me âlânŋe den ekyongonŋetâ nâŋgânomai me orotmeme âlâ otŋetâ eknomai. Yawu otŋetâ yaŋe Anitâhât den orop lâuakdomawot me bia sâm yakât ekmâ kiwilim heŋgeŋgunomai. Lâuakdomawot otmuâmâ ya nâŋgânomai. Yâhâ ki lâuakdomawot otmuâmâ ya ki nâŋgânomai.

Den bâiŋe sâop.

²³ Anitâ Biwi Sânduk Amboŋaŋe manman bâleŋe yapâ meyekmâ biwi nâŋgân nâŋgânyeŋe galemgumu târârâhâk mannomaihât nâŋgâm ulitguman. Yawu mannomai yan Kutdânenŋe Yesu Kiristoŋe âwurem ge yekmu ârândâŋ otbuap.

²⁴ Anitâŋe ikŋahâk meyehop. Yakât otmâ yeŋe yâkât wâtŋan manmâ yâhâm sâp patoen Kiristohât senŋan koko salehâk kinnomai.

²⁵ Nengât sâm Anitâ ulitgunomaihât nanŋan.

²⁶ Anitâ yet Kiristo yetgâlen biwiyenŋe kepeim mansai yeŋe heronŋe nanŋanŋinomai.

²⁷ Den yu Kutdâhât sâtgât otmâ kulemgum katyŋŋian yu sâlikum bukulipyenŋe ekyongonêtâ kerekŋe nâŋgânomai.

²⁸ Kutdânenŋe Yesu Kiristo tihitnenŋe otmapŋe yen orop tatmu yâkât wâtŋan manŋetgât Anitâ ulitguman. Bâiŋ.

Nâ bukuyenŋe,
Paulo

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

995083d2-705e-5a60-af47-1e36806cccbc